

Զայսսլիսի փոյթ և աշխատութիւն մեծ յանձն առ Յովհաննէս Պատրիարք 'ի սէր Ս. Աթոռոյն և գահակալի նորին Գրիգորի սիրեցելոյն 'ի նմանէ . եւ խնամով ետ որոնել և գտանել զհին արձանադրութիւնս հրովարտական Հայոց . զի յաւուրց անտի Տեղակալաց անփոյթ լեալ էին ամենեքեան զայոցանէ , եւ ոչ ումեք փոյթ էր դռնէ նորոգել զայնս . զի նոքա պատաղեալ էին զաղմկաւ իւրեանց . նմին իրի արձանադրութիւնք Հայոց անհետացեալ էին 'ի Կայսերական դիւանէն , և բաղմադումար ծախիւք գտին , զորս միանգամ գտինն յայլում տեղւոջ , և այսպէս կենդանացան գրեանքն Հայոց 'ի մեռելութենէ և Արքայն Մահմուտ առաջին վաւերացոյց զայնս իւրով ձեռօք , եւ ըստ մտաց նոցին ետ Խաթիթի Շէրիֆ Հայոց , որպէս գրեցաք 'ի վեր անդր :

Իրեւ լուան Յոյնք զայսոսիկ՝ աղմկեալ շփոթեցան յոյժ . զի 'ի կարծիս եղեն թէ Հայք նովաւ կարեն սահանջել զվիճակն Հապեշաց , զոր յափշտակեալ էին յառաջագոյն յաւուրս Աստուածատուր Պատրիարքի , որոյ վասն սկսան հակառակիլ ընդ Հայոց , և յայտնապէս ասել՝ եթէ կամիք խաղաղութեամբ կեալ ընդ մեզ . զայն հրովարտակ (Խաթիթի Շէրիֆ) , զոր առիք 'ի վերջին աւուրս՝ այրեցէք 'ի հուր առաջի աչաց մերոց , որպէս ասէր երբեմն Նահաս Ամոնացի ցորդիսն Իսրայէլի . եթէ կամիք մշտնջենաւոր հաշտութիւն իմ ընդ ձեզ , հանջիք զաջոյ ակն ձեր : Քանզի Յոյնք երկնէին հանապաղօր յափշտակել ըզվանս Ս. Յակոբայ , տիրել երից հետեւակաց , արտաքսել 'ի տաճարէն Ս. Յարութեան , և զրկել 'ի Ս. Տեղեաց եւ 'ի քաղաքէն սրբոյ : Սակայն լուցին առ ժամն և սպասէին դիպող առթի . զի 'ի նմին ժամանակի վէզիրն մեծ՝ Հէքիմ օղլու Ալի Փաշա՝ էր 'ի կողմն Հայոց , նմին իրի ոչ յաջողեցաւ գործն Յունաց , թէպէտեւ ծախեցին բազում ինչ 'ի Դրունս մեծամեծաց :

Այլ իրեւ փոխեցաւ վէզիրն՝ և էանց 'ի տեղի նորա Կիւրճի Իսմայիլ Փաշա , աղգաւ վրացի՝ մատեան առ նա Յոյնք եւ հաւանեցուցեալ դիւրաւ ձգեցին զնա 'ի կողմն իւրեանց՝ ընդ որ և զմեծամեծս Դրան : Յետ այնորիկ մատուցին առ նա գիր ամրաստանութեան զաղգէն Հայոց ,